


書名 刑案匯覽八十八卷目二卷
 撰者 清 祝慶祺 輯
 卷 卷五十一
 內容分類 史·政書·法令·刑案
 索書號 大木·法類·例案·25
 編號 B3855000

卷五十一



彩色首頁1

[東洋文化研究所漢籍目錄 編號: B3855000](#)

[東洋文化研究所漢籍目錄所藏漢籍善本全文影像資料庫 索書號: 大木·法類·例案·25](#)

[漢籍善本全文影像資料庫文本 刑案匯覽八十八卷目二卷](#)

版權所有: 東京大學 東洋文化研究所

[使用上的注意事項](#)

刑案匯覽卷一

歙 鮑書芸季涵參定

會稽祝慶祺松庵編次

歙

程志祖華谷同校

吳 銘心齋參校

甘泉梁朝章國采校錄

刑案匯覽

江蘇司 爲欽奉

照舊章酌擬斬絞人犯分別准免不准免條款奏明請

事嘉慶二十五年八月二十七日恭奉

開一官吏兵民人等有犯除謀反叛逆子孫謀殺祖父母父

赦款章程

拉手欲與理論致婦羞忿自盡

男女互鬪撕破女褲致婦自盡

婦女因被婦女穢罵氣忿自盡

撕褲羞辱竊禾之幼女自盡

被扭不期褪褲致婦羞忿自盡

撕破褲子採落陰毛致婦自盡

婦女懷妒穢辱鄰婦致令自盡

曾此類人於六子自盡

曾此類人於六子自盡

威逼人致死

圖姦犯姦之婦
未成將婦殺死

陝督 題蕭押住圖姦犯姦之墜姐不從圖脫拒扎

墜姐即時身死一案查律載罪人拒捕殺所捕人者

斬監候又例載強姦犯姦婦女未成將本婦立時殺

死者擬斬監候各等語至圖姦犯姦婦女及圖姦良

婦未成殺死本婦例內均無專條核其情節亦與罪

人拒殺捕人稍異檢查向來辦理圖姦良婦未成殺

死本婦之案係照強姦未成殺死本婦之例問擬誠





以既將婦女殺死其強暴情形已屬顯然故即照強
 姦定讞圖姦良婦未成殺死本婦既可引強姦殺死
 之例則圖姦犯姦婦女未成殺死本婦亦應照強姦
 未成殺死之例定擬惟律例究無明文即科以拒捕
 殺人之律罪名亦同一斬候秋審亦同一情實似仍
 可隨時酌核辦理此案蕭押住因知李墜姐與高小
 娃通姦該犯乘間向墜姐摟抱求姦墜姐不從揪住
 該犯髮辮聲喊該犯畏懼順扳小刀扎傷墜姐左後
 肋鬆手轉身欲跑因墜姐揪住該犯衣服喊嚷該犯
 情急圖脫轉身復用刀扎傷其左乳倒地即時殞命
 查該犯蕭押住圖姦犯姦之女李墜姐未成扎傷墜
 姐立時身死其情實與強姦無異該省以例無明文
 將該犯依罪人拒捕殺所捕人律問擬斬候固不若
 竟引強姦犯姦婦女未成將本婦立時殺死擬斬監
 候之例較為切當惟罪名同一斬候毫無出入似尚
 可酌量照覆奉

批所議甚允應存記此稿照覆
 道光五年說帖

圖姦犯姦之婦
 未成致婦自盡

刑案匯覽

卷五十一 刑律人命
 晉撫 咨韓思伏調姦犯姦之婦鄭李氏致氏羞愧
 威逼人致死



自縊身死一案查犯姦婦女與良婦有別故定例因姦殺傷犯姦婦女均於殺傷良婦罪名上減一等至強姦圖姦犯姦婦女未成致令自盡從前例內均無治罪明文有犯者均於良婦自盡絞候例上減一等擬流迨嘉慶十四年本部纂修強姦殺死犯姦婦女條例時以此等情節與其援例量減莫若纂定專條隨將強姦未成致犯姦婦女自盡流三千里一條附纂入例因所纂例文專就強姦一節而言故圖姦犯姦婦女未成致令自盡新例仍未議及竊思例內但

經調戲致良婦自盡與強姦未成致良婦自盡同科絞候則犯姦婦女自盡案內圖姦未成之犯亦應與強姦未成者同擬滿流檢查嘉慶十三年陝西省晁登甲圖姦曾經犯姦之劉惠氏未成致令投井身死照但經調戲本婦自盡絞候例減等擬流經本部照擬駁令具題完結又十五年廣西省文遵遠調姦曾經犯姦之伍氏不從致令自縊身死照因姦威逼人致死斬候例減等擬流本部照覆題結此二案引斷雖未畫一而罪名則並無歧異此案韓思伏稔知鄭

李氏與李添保有姦夤夜推門入室調戲被鄭李氏
 扭住撞頭該犯掌批其臉並曬破姦情致鄭李氏因
 姦敗露又被欺辱毆打羞忿自盡該省聲明該犯係
 屬圖姦與強姦不同將該犯於強姦婦女未成致令
 自盡流罪上減徒咨部該省祇於強姦圖姦情節強
 為區分而不知良婦自盡定例係不論強姦圖姦同
 一纒首本無差別若如所議是同一圖姦未成而致
 犯姦婦女自盡之犯較之致良婦自盡之犯竟得減
 二等既與例義有乖且以刁姦不從致令自盡之犯



竟與刁姦已成致令因姦敗露羞愧自盡之犯同科
 濶徒亦無以昭平允該司議令改照但經調戲本婦
 羞忿自盡絞監候例上減等擬流因係由死罪減等
 駁令專本具題罪名洵屬允協職等復思從前因未
 定有強姦犯姦婦女未成致令自盡之例故不論強
 姦圖姦均照良婦自盡絞候本例上減一等擬流係
 由死罪減等仍專本具題今既定有強姦犯姦婦女
 致令自盡流三千里專條似可即照此例科罪隨案

更正咨覆毋庸再行駁令專本具題以省繁牘



撞破姦情刁姦
不從本婦自盡

調姦犯姦之婦
不從傷重自盡

強姦犯姦之婦
不從傷輕自盡

強姦不從主使
本夫毆死其妻

嘉慶二十四年說帖。此案即改流咨結原案內稱查李氏之自盡由於韓思伏之欺辱並非因姦敗露所致應將李添保仍科姦罪

直督咨正犯病故冊內王米貴撞見王長春與王

孫氏通姦欲向刁姦未成致王孫氏因姦情敗露羞

愧自盡將王米貴比照強姦犯姦婦女未成致本婦

羞愧自盡擬流例量減一等杖一百徒三年王長春

依姦婦因姦敗露羞愧自盡例杖一百徒三年

道光四年案

雲撫咨李發因向曾經犯姦之袁氏調姦不從將

袁氏毆傷致氏氣忿自盡驗有致命重傷應仍照因

事用強毆打威逼人致死果有致命重傷例發近邊

充軍 道光二年案

陝撫咨楊三黑強姦犯姦之婦吳董氏不從毆傷

後致氏自盡將楊三黑於強姦犯姦婦女未成致本

婦羞愧自盡滿流例土酌加一等發附近充軍

道光三年案

嘉慶十年閏六月十七日奉

上諭本日朕閱刑部呈進嘉慶九年分河南省秋審情實



冊內有趙芳因強姦胡向氏不從主使本夫胡約將氏
 毆傷身死一案此案趙芳與胡約之母趙氏通姦又因
 見胡約之妻向氏少女起意強姦不從該犯因胡約向
 伊取錢即主使將向氏毆逼向氏仍不依允該犯喝令
 胡約毆傷致斃實屬亂人倫紀淫兇不法問擬斬候人
 於情實尙覺罪浮於法至胡約一犯先經趙芳與伊母
 趙氏通姦因利其資助並未阻止已屬喪心蔑理迨趙
 芳見伊妻向氏少女欲圖姦宿喝令勸誘向氏堅執不
 從正爲胡約謹守閨門乃該犯輒令趙芳至房乘向氏

睡臥在牀自行按在令趙芳強姦無恥已極嗣該犯又
 因向趙芳取錢應用遂聽從主使毆逼向氏與趙芳姦
 宿向氏仍不依允該犯順拾木桌腿毆傷其左右肱肘
 復經趙芳喝令毆傷其左耳根以致殞命逼姦故殺實
 非人類趙芳著卽行處斬胡約現在流徙何處著行知
 該省地方卽將該犯於配所絞決嗣後遇有似此案件
 卽將本夫問擬絞候不得仍照凡人同謀共毆律分別
 首從定擬以昭平允等因欽此

已纂例

強姦殺死本婦
從犯加功未姦

刑案匯覽

直隸司 此案馬三疤因素識之田二見曹任氏獨
 卷五十一 刑律人命 六 威逼人致死

刑部
卷五十一

自經過起意強姦即以任氏少女又因天晚無人往來邀馬二疤同去拉姦倘任氏不從即捉住強姦馬二疤應允田二當即前行馬二疤打火喫煙隨後走至詎田二強姦任氏不從被任氏撕衣嚷罵田二氣忿將任氏掙按倒地搭住咽喉任氏兩腳掙動田二慮恐甦醒敗露令馬二疤解取任氏腿帶勒死滅口馬二疤始猶未允因被田二恐嚇畏懼隨上前按任任氏右腿將任氏腿帶解下遞與田二田二即用帶將任氏勒斃詳核案情當田二糾邀馬二疤拉姦任



氏之時如係彼此商謀輪姦殺死人命自應照例斬決梟示如係田二起意強姦僅邀馬二疤幫捉則馬二疤本無圖姦之心迨田二自行強姦任氏不從起意致死滅口馬二疤聽從按腿解帶遞與田二將任氏勒斃是田二強姦不從殺死本婦罪應斬決馬二疤聽從謀命律應縲首罪名各有專條既不得以輪姦首從論亦不應照強姦殺死本婦例分別首從科罪該督將田二照光棍例斬決馬二疤照爲從絞候均未允協應令詳訊另擬去後旋據覆審明確查田



二因見曹任氏孤身行走起意圖姦慮恐不從邀同
 馬二疤幫拉強姦嗣田二因強姦任氏不從將任氏
 按倒搭在咽喉又慮其甦醒敗露起意致死滅口令
 馬二疤按腿解帶遞與田二將任氏勒斃是田二雖
 有強姦之心究無成姦之事則馬二疤祇有加功之
 罪並無輪姦之謀應將田二改依強姦殺死本婦例
 擬斬立決馬二疤改照謀殺人從而加功律擬絞監
 候曹任氏附請

旌表 嘉慶七年題在案。照駁案新編錄

強姦未成刃傷
 本婦自盡

安撫 題趙應偉強姦趙許氏未成致氏羞忿自盡
 並拒傷趙興樹平復一案查例載強姦未成本婦羞
 忿自盡者擬絞監候又強姦婦女執持金刃戳傷本
 婦及拒捕致傷其有服親屬未成姦者擬絞監候各
 等語此案趙應偉見無服族嫂許氏獨處該犯起意
 圖姦聲言許氏寡居孤零特來陪伴捏肩調戲許氏
 不依詈罵該犯將許氏摟抱欲行強姦許氏喊救撐
 拒該犯拔刀嚇禁用刀背毆傷許氏左手背並劃傷
 大指時有許氏之夫堂叔趙興樹等聞喊赴救該犯

刑案匯覽

卷五十一 刑律人命

威逼人致死

強行圖姦不遂
釋斃幼孩

又用刀拒傷趙興樹偏左詎許氏羞忿莫釋自縊身
死趙興樹傷已平復是該犯強姦族嫂未成致氏羞
忿自盡罪應擬絞其刃傷本婦並拒傷本婦有服親
屬亦應擬絞目應從一科斷該省將該犯依強姦未
成本婦羞忿自盡例擬絞監候情罪向屬相符應請
照覆

嘉慶二十一年說帖

吉林將軍 咨馮文寬向韓文良之妻吳氏求姦未
允旋復攜刀前往嚇逼不從越日復往其家拉住吳
氏該氏掙脫馮文寬見氏子拴在兒在炕遂抱回家

中冀圖來家追討以便拉住成姦吳氏喊嚷追索途
遇伊夫韓文良及伊翁韓榮卽向告知韓榮等持棒
至馮文寬門首喊嚷馮文寬將拴住兒抱至門首向
韓榮等掙去韓榮等接抱不及致拴住兒跌地搥傷
身死將馮文寬照罪人拒捕殺人律擬斬監候本部
以馮文寬係強姦未成罪人輒敢因姦不遂將本婦
甫過滿月之幼子掙斃應改依強姦人妻女其夫與
父母親屬聞聲赴救姦夫逞兇拒捕立時殺死者擬
斬立決

嘉慶二十五年奉天司案

調姦不從砍死
氏姑

圖姦不從致傷
本婦越日身死

圖姦男子不遂
毆傷越日身死

強姦男子不從
致令羞忿自盡

男子被人拍腿
相謔羞忿自盡

刑案匯覽

陝撫 題李泳成調姦杜楊氏不從聲喊被氏姑杜

萬氏攔毆該犯將杜萬氏拒砍身死應比照強姦人

妻女其親屬聞聲赴救姦夫逞兇拒捕立時殺死例

擬斬立決 道光二年案

陝督 題文進有因買孀婦范氏給伊兄文進德為

妻行至中途向范氏圖姦不從被罵將范氏兩腳割

落越四日殞命范氏尙未與文進德成婚應同凡論

將文進有比照強姦未成毆傷本婦越數日身死例

擬斬監候 嘉慶二十一年案

奉尹 題張均濬因向宋克勤求姦被罵撲毆該犯

用刀將其戳傷越二日身死將張均濬比照強姦未

成將本婦毆傷越數日身死例擬斬監候 嘉慶二十

一年案

東撫 題林大因強行強姦王三不從致王三羞忿

自盡應比照強姦未成本婦羞忿自盡例擬絞監候

道光元年案

山西司 查此案高建順開靴鋪生理雇杜萬倉在

鋪做飯並無主僕名分素日和好彼此玩笑杜萬倉

與鋪夥魚得水同屋睡宿高建順至杜萬倉屋內聞

卷五十一 刑律人命

威逼人致死





坐見杜萬倉業已睡歇魚得水尙未就寢高建順聲
言時候尙早令杜萬倉起談卽揭開杜萬倉被蓋用
手戲拍其腿並以好白腿臀之言相謔杜萬倉生氣
坐起聲稱高建順不應如此戲謔給伊無顏嚷罵經
魚得水解勸并令高建順服禮寢息嗣魚得水將高
建順與杜萬倉戲謔之事向呂泳真告述隨口恥笑
杜萬倉聽聞追悔翻鬧聲稱高建順將其欺辱致被
人恥笑氣忿乘空自刎身死該撫將高建順照調姦
婦女未成和息後因人恥笑本婦追悔自盡滿流例

上量減一等杖一百徒三年呂泳真魚得水照不應
重律杖八十等因咨部查男子與男子羣居共處無
嫌可避故互相戲謔亦事所恒有非若婦女之禮應
遠嫌與男子不親授受者可比故婦女被男子穢語
褻狎致令自盡例有治罪明文而男子除調姦之外
並無穢語褻狎致令自盡之條今杜萬倉在高建順
靴鋪傭工旣與高建順素日玩笑高建順戲拍其腿
用言相謔不過語言輕薄且其時尙有魚得水在旁
目睹可見高建順並無圖姦之心迨後杜萬倉因魚

得水向人談及恥笑追悔自盡尤非高建順意料所及即謂高建順戲語釀命科以不應重杖酌加枷號已足蔽辜該撫將高建順比例量減擬徒殊未允協高建順應改依不應重律杖八十酌加枷號一個月

道光十年說帖

川督題楊文仲強姦總麻服弟楊文榜之妻黃氏不從截傷黃氏身死將楊文仲照凡人強姦將本婦立時殺死例擬斬立決黃氏附請

旌表一案奉

旨此案楊文仲強姦總麻服弟楊文榜之妻黃氏不從將黃氏截傷身死刑部因例無明文即照凡人強姦將本婦立時殺死例定擬斬決但思該犯與楊文榜係總麻兄弟若同凡人一律定擬未免無所區別楊文仲著即處斬梟示以昭炯戒並載入刑部則例餘依議欽此

嘉慶六年通行已纂例。嗣因東省劉發圖姦甥媳不從殺死本婦部議十惡內亂係指本宗而言外姻不在其內應將劉發擬斬立決免其梟示並於例內添出本宗二字

江寧將軍題駐防閑散存齡調戲親嫂額爾圖氏

一案此案存齡調戲親嫂額爾圖氏經氏告知伊姑

調姦伊嫂致娼因別故自盡

刑案匯覽

卷五十一 刑律人命

七 威逼人致死



張氏向存齡追問存齡發誓不認張氏嗔額爾圖氏
誣賴掌批其腋額爾圖氏氣忿跑至母家訴述伊堂
兄坡勒亨至存齡家理論經氏夫存福將其勸回并
央人向坡勒亨說合將額爾圖氏接回事已寢息後
額爾圖氏因將飯煮爛被姑張氏辱罵毆責氣忿投
繯殞命查該氏自盡由於被姑詈責並非因存齡調
戲羞忿所致該將軍將存齡仍照親屬和姦律應死
罪者若調姦未成例問擬滿流以該犯寡廉鮮恥銷
去旗籍發配尙屬允協應請照覆

嘉慶十七年江蘇
司說帖

調姦外孫妻未
成致外孫自盡

直督 咨孟益謙因見外孫李盛德之妻李劉氏光
赤上身睡臥該犯頓萌淫念即向抗禱圖姦李劉氏
喊嚷經該犯之女李孟氏聽聞囑令隱忍嗣李孟氏
攜子李盛德回歸母家經該犯之妻孟劉氏查知孟
劉氏以李劉氏自不謹飭所致之言向斥詎李盛德
聽聞氣忿自縊例無圖姦外孫妻未成寢息後外孫
因聞外祖母斥辱追忿自盡治罪明文將孟益謙比
照調姦婦女未成和息後因人恥笑其夫追悔自盡
滿流例酌加一等發附近充軍

嘉慶二十二年案

母舅調戲甥妻
致氏自盡

陝西司 查例載內外總麻以上親及總麻以上親
之妻但經調戲本婦羞忿自盡者擬斬監候又於在
堂繼母之父母有犯卽照卑幼犯本宗小功尊屬律
定擬至繼母甥舅等有犯俱照外姻尊卑長幼本律
治罪又服圖內載母之兄弟服屬小功妻爲夫外親
服降一等爲在堂繼母之兄弟服制與親母同各等
語此案楊秀因見劉氏少女夙萌淫念乘間向劉氏
調戲以致劉氏羞忿自盡查楊秀胞姊楊氏係劉氏
之夫馬興棟繼母楊氏尙存則楊秀卽係馬興棟之

調戲出嫁總麻
表妹羞忿自盡

小功母舅而劉氏係楊秀總麻以上親之妻楊秀向
劉氏調戲以致劉氏羞忿自盡自有調戲內外總麻
以上親之妻羞忿自盡本條乃該都統竟將楊秀仍
從凡論置服制於不問罪關斬絞出入應令該都統
按例妥擬 道光十一年說帖

蘇撫 題陳三圖姦丁柱之妻耿氏致氏羞忿縊死
比照強姦內外總麻以上親未成本婦羞忿自盡例
擬斬監候等因查乾隆二十四年奏定條例凡女之
出嫁者於伯叔兄姊以下有犯均照律服圖降一等

冒姦良婦未成
致婦羞忿自盡

圖姦族女未成
致令羞忿自盡

調姦未成致本
夫羞忿自盡

科罪所稱出嫁之女雖未指出外姻字樣而外姻服屬原係包舉無遺且服制所關本宗重於外姻斷無本宗之女出嫁降等而外姻總麻轉無區別之理此案陳三與耿氏係外姻總麻兄妹耿氏業經出嫁即屬無服陳三向氏調戲致氏羞忿自盡自應降等科罪將陳三改照但經調戲本婦羞忿自盡例擬絞監候
乾隆四十四年案。照平反節要錄

直督 題劉三因知王臯趕集未回起意冒姦其妻郭氏未成致氏羞忿自盡應比照強姦未成本婦羞忿自盡例擬絞監候
道光元年案

安撫 題陸簡圖姦無服族姪女陸現姐未成致陸現姐羞忿自盡將陸簡比照強姦未成本婦羞忿自盡例擬絞監候
嘉慶十八年案

盛京刑部 咨劉添貴調戲李氏致本夫李發羞忿自盡一案查劉添貴佟谷維同至李發家閒遊劉添貴向李發之妻李氏調姦因李氏嚷罵該犯等各拔刀恐嚇李氏任口走散次日劉添貴等復至李發家劉添貴因李發並不嗔怪聲言給與錢文欲與李氏同

圖姦未成復向
威逼致婦自盡

宿李氏聞言躲避李發村斥劉添貴不依逼令往找
李氏以致李發忿傲自盡如所審屬實正與因姦威
逼人致死之律相符該省牽引棍徒擾害之例係屬
錯誤該司駁令另擬應請照辦

嘉慶十八年奉天司
說帖

此案遵駁將劉添貴改依但經調戲致其夫羞忿
自盡例擬絞監候見成案

陝撫 題孫三友圖姦孫楊氏未成復威逼該氏自
縊身死一案查律載因姦威逼人致死者斬監候又
一家人共犯止坐尊長侵損於人者以凡人首從論
各等語此案孫三友因圖姦孫楊氏夤夜入室求姦

楊氏恐其行強假言腹痛哄令脫衣先寢出外喊救
孫三友驚起不及穿褲經孫包氏等聞聲接喊楊氏
隨攜褲同至孫包氏家告知情由孫三友逃回後央
令孫康氏索褲不給恐告官受罪復邀同母寇氏妻
郭氏攜棒前往嚇罵楊氏哭泣仍不肯給該犯即以
告官不過仗責將來總不甘休之言向嚇寇氏等亦
隨同逼索並用棒將攔勸之孫包氏毆傷復打毀器
物楊氏被逼氣忿自縊身死查孫三友因圖姦楊氏
不遂屢次向索遺褲用言嚇逼復邀同母妻前往吵

開致楊氏被逼輕生罪坐所由自應以該犯為首至
寇氏郭氏係該犯母妻雖屬一家共犯惟幫同逼斃
人命係侵損於人律應以凡人首從論該撫將孫三
友擬斬監候寇氏郭氏依為從律擬流收贖查核情
罪相符應請照覆

嘉慶十七年說帖

調姦未成致婦
趕拉跌斃

廣撫題王那客與陳溫氏素相熟識嗣溫氏赴市
買米同伊叔溫宗世回家適王那客亦在市買筆與
溫氏等同歸行至村邊溫宗世出恭落後王那客四
顧無人遂向溫氏調戲聲言氏夫犯竊逃走氏屬青



年難守不若嫁伊為妻溫氏怒罵閃開道旁欲讓王
那客先行王那客上前復拾溫氏之手溫氏放下米
袋拉任王那客右手咬其臂膊王那客負痛難忍即
用左手搭傷溫氏咽喉并指甲抓傷溫氏右領頰溫
氏放口叫喊王那客掙脫跳越水坑而逃溫氏亦跳
坑趕拉失足坐跌坑邊振傷胎孕溫宗世聞聲趕至
詎溫氏行不數步氣喘倒地殞命查王那客調戲溫
氏在溫氏本無欲死之心實因已身一時失足坐跌
傷胎身死若將王那客擬絞似覺稍重應比照但經



調戲婦女致木
婦與本夫自盡

調戲本婦羞忿自盡擬絞例量減一等杖一百流三千里并追埋葬銀給領至温氏被王那容調戲雖亦羞忿詈罵但係夫跌致死與捐軀殉節不同應毋庸議
乾隆八年題准案○照所見集錄

河撫 題陳友會用言向梁尹氏調戲致氏羞忿自盡並氏夫梁柱痛妻服毒身死一案查例載但經調戲其夫與父母親屬及本婦羞忿自盡者俱擬絞監候又名例載二罪俱發以重論罪各等者從一科斷各等語是但經調戲致令自盡一命無論本婦本夫

例應將調姦之犯擬以絞候至本婦羞忿自盡復致其夫痛婦自盡例無仍照一命擬絞之文亦無應行加重之條伏思因事致令自盡案件若無圖姦情事如係一命定例罪止杖責卽一家二三命亦罪止擬軍若調戲致本婦與其夫及父母親屬自盡因其釁起圖姦故從嚴擬以絞候而死由自盡究與謀故毆殺不同卽至釀二命業已罪犯至死無可復加衡情酌定自應依名例三罪相等從一科斷且查上年九月內江蘇省題劉書志調戲梁三姐致該氏與母盧

氏羞忿一同投坑溺水斃命該省將該犯依但經調戲致本婦羞忿自盡例問擬絞候經本部題覆亦係從一科斷此案陳友會用言向梁尹氏調戲致該氏羞忿自盡伊夫梁柱亦因痛妻情切服毒身死查已死梁尹氏梁柱固屬夫妻一家二命惟例內既無加重明文自應仍按本例從一科斷該省將陳友會依但經調戲其夫與父母親屬及本婦羞忿自盡例問擬絞候係照例辦理並核與成案相同應請照覆奉批既有江蘇舊案即照案辦理

道光三年說帖



強姦婦女致本夫與本婦自盡

晉撫 題孫致和強姦呂李氏未成致氏及本夫羞忿自盡一案查例載強姦未成其夫及本婦羞忿自盡者俱擬絞監候等語此案孫致和強姦呂湧之妻李氏未成致氏及本夫羞忿一同自縊該撫以例無因致斃一家二命治罪明文將孫致和比依毆死一家二命例擬絞立決查呂湧李氏均係自縊與被毆身死者不同未便援引毆死之例致滋牽混惟究係因姦致斃一家二命未便仍依本例擬以絞候致令稽誅孫致和應照強姦未成其夫及本婦羞忿自

盡例擬絞請

旨即行正法庶情法均得其平嘉慶九年四月二十七日

題二十九日奉

旨孫致和著卽處絞餘依議欽此

嘉慶九年說帖

圖茲不從挾制
逼斃一家三命

東撫題鄭源調姦高殿元之妻耿氏未成用言挾

制致耿氏指死幼女與夫一同自盡一案緣鄭源與

高殿元素不認識耿氏因前夫巫姓物故改嫁與高

殿元為室高殿元因貧難度攜妻耿氏及年甫八歲

之女住妮在託素識之劉太尋工因無雇主高殿元

卽攜帶妻女求乞度日嗣高殿元與鄭源之妻母黃

韓氏途遇詢及住妮尙未許字隨向鄭源說合憑馬

四等作伐將住妮許配與鄭源之子鄭庚申為妻鄭

源隨借鄰人李杜軒閒房與高殿元等居住並因高

殿元等貧窘陸續資助錢文不記確數與高耿氏見

面不避嗣高耿氏雇與鄰村李姓家傭工數日回家

鄭源心疑高耿氏夫婦不愿遠離適與劉太路遇道

及前情劉太以高殿元夫婦平日總在一處原難分

離之言順口答覆而散迨後高殿元赴州外出鄭源





至高殿元家探望見住妮亦未在家僅止高耿氏獨處起意圖姦即以劉大道及爾夫婦總離不開今高殿元外出令靜我來作伴之言回高耿氏調戲高耿氏不依釀罵鄭源冀圖挾制逼姦聲言如不允從欲令遷居從前資助錢文亦須如數償還高耿氏答俟伊夫回家清理仍哭罵不休鄭源因高耿氏決意不從並恐鄰人知覺亦即走回越日高殿元回家高耿氏訴述情由羞忿莫釋因不愿將在妮留與鄭源為媳先行掐死復用繩懸吊並寫立寃狀兩紙與高耿

氏分揣懷內一同自縊殞命將鄭源擬斬監候等臣查鄭源因調姦不從恃強挾制逼斃一家三命若如該撫所擬將該犯僅依因姦威逼人致死本律仍擬斬候而置一家三命於不議殊不足以懲淫惡鄭源合依因姦威逼人致死者斬監候律擬斬請

旨即行正法以儆兇淫劉太訊無穢語汚衊高耿氏情事應毋庸議等因嘉慶二十年十一月二十五日奉

旨此案鄭源挾制逼姦高殿元之妻耿氏致高殿元夫婦被逼難堪不敢控告先將幼女住妮掐斃寫立寃狀分

揣懷內一同自縊殞命情殊兇慘鄭源著即處斬餘依

議嗣後如有似此因姦威逼致死一家三命者無庸定

擬斬監候即照此案定擬斬決著刑部載入例冊遵行

欽此 通行已纂例。此案有說帖係議照光棍例斬決劉太改不應重杖與通行不符是以未錄

陝撫 咨王克成嚇逼徐女娃等溺斃二命咨部請

示一案查律載因事威逼人致死者杖一百若因姦

盜威逼人致死者斬監候又例載威逼人致死一家

二命發近邊充軍各等語是律內斬候一條必係本

犯因姦盜逼死人命方予駢首例自擬軍一條係與

律內滿杖一條相輔而行一命者杖一家二命者軍

至因事二字律註內載戶婚田土錢債之類所包者

廣凡非戶婚田債因他故口角肇釁致釀人命除姦

盜外皆當依威逼人致死分別一命二命各按律例

辦理至例載刁徒無端肇釁平空訛詐欺壓鄉愚致

被詐之人因而自盡者擬絞監候一條在恐嚇取財

門內其欺陵兇虐之情稍輕於光棍未釀命者應同

棍徒擾害治罪若因而釀命其罪又浮於棍徒故特

設絞候之例所犯之本罪既重故釀命之加罪亦重



例內載明事出有因並非無端肇釁者不得濫引此例是此條例文與因事威逼致死律例各條可以參證不可以強附又二十年三月四省題李潮敦與章王氏口角穢語村辱致氏與夫章有富先後自盡一案原題照因事威逼人致死一家二命擬軍奉旨照手足勾引例改絞監候歸入秋審緩決并令載入則例等因誠以穢語村辱致婦女聞言自盡一命已應滿流故一家二命加至絞候其覲面村辱之情本重故一家二命之加罪亦重也此案王克成因胞姪王



三才子向徐過娃之姪徐女娃拉手調戲被罵脫逃徐女娃之兄徐林等趕至叫罵經人勸散該犯外回詢知以調姦無據王令王三才子之母葉氏前往吵嚷要人葉氏復自跳崖拚命圖賴致徐女娃情急投害其兄徐過娃趕救亦被墜跌同時淹斃如果係王三才子調姦不從復挾制逼斃人命卽當科王三才子以因姦威逼之斬罪或該犯王克成平空肇釁向徐女娃家挾逼索詐自應科王克成以刁徒訛詐釀命之絞罪今王三才子肇釁脫逃不知伊叔後此逼

挾釀命之事其罪止於枷杖適王克成僅止逼挾要人並未致釀人命其罪亦不過枷杖尚不至於棍徒則因而致釀人命既屬事出有因並非無端肇釁平空訛詐自不當遽擬縶首且一命由於自盡一命由於趕救失跌亦與一家二命俱被逼自盡者有間參之律例似只可依威逼致死一家二命例科罪即因其祖庇匪姪逼釀二命情節較重亦可比照棍徒例加至軍罪未便加入於死謹擬稿尾

稿尾 此案王克成因胞姪王三才子向徐過娃之妹徐女娃拉手調戲被罵脫逃徐女娃之兄徐林等趕至叫罵經鄰勸散該犯外回詢知以調姦無據王令王三才子之母葉氏前在吵嚷要人葉氏復自跳崖拚命圖賴致徐女娃情急投窖其兄徐過娃趕救亦被墜跌同時淹斃詳核案情王克成因伊姪向婦女調戲在逃王使伊嫂藉端挾制要人希圖抵賴以致逼斃室女一命又致其兄趕救失跌淹斃既非該犯因姦致死自不應科以斬候之條又非無端肇釁平空訛詐亦不應治以縶首之罪雖所犯情節重於戶婚田債而其藉



端逼挾本罪亦不過杖柳按威逼致死一家二命罪止擬軍卽因其祖庇匪姪逼釀二命情罪較重亦可比照棍徒加至足四千里充軍應令該撫審明妥擬嘉慶二十四年說帖○審擬案錄後

因姪調姦逃走
吵鬧逼斃人命

陝撫 咨王克成因胞姪王三才子向徐過娃之妹徐女娃拉手調戲畏罪逃走該犯外歸詢知以調姦無據王合王三才子之母葉氏同往吵嚷要人並跳崖圖賴致徐女娃被逼難堪潛出投窖徐過娃趕救亦被墜跌同時淹斃該犯王克成既非調姦本人自



因甥圖姦斃命
捏姦教供圖脫

未便坐以因姦威逼致死斬候之條應比依棍徒擾害例擬軍葉氏照為從減一等擬徒王三才子調姦肇釁致釀二命應比照調姦婦女未成和息後因人恥笑復追悔自盡擬軍例上量減一等擬以滿徒
嘉慶二十五年案

直督 題于大和圖姦皮四姐未成致其母皮吳氏羞忿自盡于大和之母舅孫華亭圖脫于大和罪名捏串姦情賄囑教供幾致兇徒漏網將孫華亭比照姦贓汚人名節例擬軍道光二年案

毆傷語言戲謔
伊姊之人自盡

奉尹 咨紀煥章毆傷李有義致令自盡一案查此
案紀煥章因李有義飲醉至伊家拜年邀該犯賭錢
該犯覆以並無人手賭具李有義欲令該犯之姊大
妮同賭並以花酒花賭之言相戲該犯未解詰詢李
有義又以我等是你姊夫之語相諱該犯向斥致相
詈罵李有義將桌上供器拋擗並掌批該犯腮頰該
犯益肆哭詈李有義脫衣臥炕穢言辱罵該犯氣忿
拾取木掀把毆傷其胳膊等處經袁舉將李有義勸
走李有義潛至該犯園內自縊殞命該府尹將該犯



依因事用強毆打威逼人致死重傷而非致命例擬
徒收贖咨部詳核案情該犯年甫十五已死李有義
年已四十九歲李有義始則用言戲謔該犯之姊繼
復將供器擗掌批該犯腮頰其恃強欺陵已可概
見何以臥炕辱罵之時一任該犯用木掀把毆打並
未還手殊屬不近情理且該犯僅止向毆數下當經
袁舉勸走並無肆毆窘辱情狀李有義何至遽爾輕
生恐其中實有局賭爭毆事後串飾別情即所審屬
實李有義用言戲謔大妮並臥炕穢語辱罵本屬有

調姦和息復往
吵鬧悔忿自盡

罪之人紀煥章係大妮之弟忿激向毆並非折傷死

由自盡原情勿論未便擬以徒罪案情既未確鑿罪

名亦未允協應令該府尹另行審擬

嘉慶十四年說帖

江蘇司 查例載調姦婦女未成業經和息本婦復

追悔抱忿自盡者將調姦之犯杖一百流三千里等

語此案殷大庸於道光元年八月初七日向朱張氏

調姦被本夫朱定住撞獲賊經伊叔朱玉富幫同將

殷大庸捆縛在垣地保正欲送究殷大庸之叔殷維

賢同其弟殷三庸趨向求釋殷大庸自願立據搥頭

陪罪朱達住勒翁殷維賢等一同出名畫印央素識

之史茂富代寫字據交朱達住收執將殷大庸解放

地保湯東海見事已寢息允未具報殷大庸心懷不

甘連次至朱達住門首索還筆據吵鬧並稱不還筆

據定行控告將朱張氏出醜之言嚇制朱張氏被鬧

悔忿稱欲尋死朱達住勸慰朱張氏悔忿莫釋於十

二日夜乘間自縊殞命

臣

等詳核案情殷大庸於調

姦被捆後既經寫立筆據釋放如果稍知畏法正當

愧懼之不遑何至不旋踵而往向吵鬧甚至於五日





之內連次索還筆據用言嚇制致張氏悔忿輕生難保無另有恃強威逼圖姦及造言污讎情事至本夫朱達在既勒令殷大庸等寫立筆據原為日後送究地步當殷大庸連次前往吵鬧索還筆據之時儘可報官治罪或鳴知地保族鄰理處何轉緘默不言甘心忍受僅向伊妻勸慰亦非情理檢查全案其筆據內係何語句亦未敘入所稱和息一節無憑查核且細釋例文內本婦追悔自盡六字以雖因調姦自盡而事已寢息本婦復追悔捐軀是死由本婦自行追

河撫題龔氏被張泳德強姦未成羞忿投繯經救未死旋聞伊兄將張泳德毆死繫獄忿激自縊卒成其志應准請旌乾隆三十三年所見集案

悔於調姦一節已屬隔絕故調姦之犯得從輕典此

案殷大庸圖姦朱張氏未成和息後復敢屢次索還

筆據用言嚇制致氏抱忿自盡與本婦追悔自盡者

迥不相同若該犯復索筆據時再有挾制圖姦別情

即應科以因姦威逼致死之條即索取筆據時並無

再有圖姦之心而本婦之死係由該犯索取筆據並

非本婦追悔輕生亦應將該犯仍照調姦致本婦羞

忿自盡例擬以絞候今該撫遽將該犯照調姦未成

業經和息本婦追悔自盡例擬流殊不思擬流之例



詞戲褻狎婦女
自盡具題請旌

係指死由本婦追悔自盡者而言並非姦犯屢次肇
豐本婦情急難堪自盡者亦得謂之追悔案情既屬

支離引斷亦未允協應令研訊另擬 道光二年說帖

雲撫 咨許榮貴與王貴戲諱致王貴之妻李氏羞

忿自縊身死一案查出語褻狎致婦女自盡擬流之

案聲明本婦捐軀明志附請

旌表者各督撫向係專本具題本部會同禮部核擬題覆

此案許榮貴與王貴穢語戲諱致王貴之妻李氏羞

忿自盡雖許榮貴罪止擬流但李氏捐軀明志例應

題請

旌表今該撫遽行咨報與例不符應令該撫另行專本具

題到日再行會核題覆再查此等擬流案件惟因他

事與婦女口角彼此詈罵致婦女氣忿輕生之案各

省有照例定擬題請

旌表者有聲明口角起釁毋庸

旌表即行咨結者亦有本部將應否請

旌之處移咨禮部而禮部駁令請

旌另行具題者辦理未能畫一本部行查禮部定例內開

強姦已成婦女
知實有猝遭強
暴力不能支刻
即捐軀者准其
請旌倘死在越
日即行扣除嘉
慶八年戶部會
議通行

凡婦女因人調戲羞忿自盡並非夫亡再醮俱准
旌表其出語褻狎及造辭污穢捐軀明志者俱各按情節

比照因人調戲例准

旌等語是

旌表貞節例內惟夫亡再醮不在題請外其餘無論本犯

罪名應絞應流婦女俱准比例

旌表自應概行專本具題本部照例會同禮部核擬題覆

以昭畫一

乾隆五十七年說帖已通行

江蘇司

查例載調姦婦女未成和息之後因人恥

調姦和息秀人
穢言追悔自盡

笑本婦追悔自盡者將調姦之犯杖一百流三千里

又因他事與婦女角口彼此詈罵婦女一聞穢語氣

忿輕生者杖一百流三千里各等語細繹例意因事

與婦女角口必事前並無別故偶因一時忿爭穢言

致婦女聽聞氣忿輕生方治以穢言釀命之罪若婦

女先經被人調戲和息後因被詈追悔自盡正與調

姦和息後因人恥笑本婦追悔自盡將調姦之犯擬

流之例相符揆情定讞自應以調姦之犯當其重罪

不得復坐罪穢言之人致涉兩歧此案葉五幅向高



調姦未成賄利
後被人圖詐用
言譏誚致婦自
盡調姦人擬流
圖詐人擬徒案
散犯罪共逃條

大姐調戲高大姐喊罵葉五幅嘗即逃回高大姐之
父高義山當欲送官經錢連生等勸處寢事嗣高義
山因高大姐被葉五幅調戲無人聯姻懷恨復欲告
官錢連生聞知又往勸阻高大姐詈其多管錢連生
聽聞以若非伊等調處設到官究出別故還要出醜
之言回詆高大姐不依哭詈經勸而散高大姐因前
被葉五幅調戲未究又被該犯辱罵追悔難堪氣忿
自縊身死細核案情高大姐先被葉五幅調戲和息
後因錢連生牽及前事回詆追悔氣忿自縊是高大

姐之追悔自盡實由葉五幅調姦所致自應科葉五
幅以調姦釀命之罪其錢連生一犯爭角詈罵祇應
酌減問擬今該撫既將葉五幅科以調姦和息後因
入止笑本婦追悔自盡之例而又將錢連生例以因
事角口穢語詈罵釀命之條一事兩引殊非允協自
應酌改問擬以昭平允葉五幅應如該撫所題合依
調姦婦女未成業經和息之後因人恥笑本婦追悔
自盡例杖一百流三千里錢連生應於葉五幅流罪
上量減一等杖一百徒三年

嘉慶十二年說帖



調姦經官責懲
犯妻談論釀命

北撫 吞寇成瓏調姦尙喬女未成業經官為責懲
後因寇成瓏之妻郝氏與伊戚談及尙喬女年輕不
知自愛致取辱之言經尙喬女聽聞追悔抱忿自
盡將成瓏比照調姦婦女未成和息後被人恥笑
本婦追忿自盡例擬以滿流郝氏減一等擬徒

嘉慶二十五年案

調姦寢息復慮
到官露醜自盡

直督 題賈保仔調姦馮姚氏未成寢息後姚氏自
縊一案查姚氏被賈保仔穢言戲謔勸慰寢息若後
因別故自盡自難坐賈保仔以調姦釀命之罪今查

該氏因連趙氏欲將賈保仔送官訊究該氏恐到官
出醜自縊殞命是該氏之死始終因該犯調戲所致
似未便只科調姦之罪置人命於不問此案似應照
覆謹錄呈成案 嘉慶十四年說帖

嘉慶八年直隸省題王祿因向王王氏調戲被罵趨
避次日往向陪禮寢息嗣王氏因硬向張氏借貸
被斥無臉王氏追問無臉根由張氏因一時無可
置辨憶及王祿曾向王氏有調戲之事即信口答
覆詎王氏抱忿回歸投縊殞命將王祿依調姦婦



女未成和息後因人恥笑本婦抱忿自盡例擬流
王氏附請

旌表

又直隸省題張美因向張檀氏調戲被罵逃避適本
夫張黑小趨至捉獲用刀扎傷送縣驗明傷痕保
辜嗣檀氏聞知該犯傷重恐其斃命致伊夫擬抵
又恐自己到官受累憂慮莫釋自縊殞命該省將
張美比照但經調姦羞忿自盡例量減擬流本部
改依調姦婦女未成和息後本婦抱忿自盡例擬

流檀氏毋庸附請

旌表

又十三年河南省題張廷益因向黃李氏圖姦被罵
逃逸李氏向夫黃文會告知欲控經該犯之父張
景才給銀央求免報嗣黃文會素好之張有向黃
文會詢知得銀未報即以不應私和之言回答詎
李氏聽聞追悔抱忿投坑殞命將張廷益依調姦
婦女未成和息後因人恥笑本婦抱忿自盡例擬

流李氏附請



旌表

調姦寢息慮夫
訟累追忿自盡

東撫 咨劉霜誘姦劉辛氏未成當時劉辛氏本無
輕生之心後因伊夫劉生唐將劉霜之父劉遠毆傷
控告劉霜未即就獲既不能洩已之忿反致貽累其
夫忿急輕生應將劉霜比照調姦未成和息後本婦
追忿自盡例擬流 嘉慶二十年案

陝撫 咨王興圖姦王甘氏未成業經陪禮寢息嗣
因其夫王二虎兒回家查知向甘氏抱怨和息之非
致氏追悔自盡將王興比照調姦婦女未成和息後

調姦和息被夫
抱怨追悔自盡

調姦寢息肇釁
致婦之父自盡

因人恥笑本婦追悔自盡例滿流 嘉慶二十一年案

直督 咨黃隨羣調姦張九經之女孩孫張氏未成寢
息後因張九經之子張明珠為伊妹報復將黃隨羣
之媳黃姜氏當街摔跌該犯不自引咎糾邀黃春成
等赴張九經家尋鬧打毀器具致張九經氣忿自盡
雖張九經之死釁由別故第究由該犯調姦其女又
被砸壞器具所致將黃隨羣比依調姦未成和息後
因人恥笑其父追悔自盡例滿流 道光二年案

調姦寢息本夫
姦自盡二命

直督 咨賈二有圖姦賈王氏未成求息後經氏夫

調姦寢息聞罵
心疑追悔自盡

賈連成疑姦村辱致氏氣忿抱子投井自盡將賈三
有比依調姦婦女未成和息後因人恥笑本婦復追
悔自盡致死二命例擬軍 道光元年案

直督 題楊杰圖姦楊治家之妻劉氏未成寢息後
聞罵心疑追悔自盡一案此案楊杰向楊治家之妻
劉氏拉衣調姦劉氏不依喊嚷楊杰當卽奔逸經楊
治家往向楊杰之母張氏告知張氏央俟楊杰回家
服禮楊治家因此醜事歸向劉氏勸慰劉氏氣已消
釋嗣楊杰之母張氏因貓隻走失以誰家婦女將貓



霸住不放之言在街海罵劉氏聞知頓起楊杰調姦
之事心疑張氏借端污讒抱忿哭泣經其姑成氏勸
慰劉氏乘間服毒殞命查劉氏於嘉慶十六年四月
十三日被楊杰拉衣調姦至二十二日服毒自盡相
距已屆十日如果劉氏因被調戲氣忿輕生自必在
甫被調戲之後斷無從容延至十日之久是所稱劉
氏經夫勸慰氣已消釋似向可信張氏因走失貓隻
以誰家婦女將貓霸住不放之言海罵本係村婦常
情在劉氏一聞張氏借端污讒因而追悔輕生亦屬

調姦寢息被父
毆罵氣忿自盡

情理所有現據該省訊明張氏並非有心污衊劉氏
聞言觸忿亦有氏姑成氏勸慰可憑將楊杰比依調
姦婦女未成業經和息之後因人恥笑本婦復追悔
自盡例擬以滿流似可照覆

嘉慶十七年說帖

川督 咨徐映明調姦施丙姑不從陪禮允息後施
丙姑被伊父毆罵自盡一案此案徐映明用言向施
必全之女施丙姑調戲施丙姑詈罵退走失跌田內
致將背後衣服打濕回歸施必全問知情由疑有姦
私用棍將施丙姑毆傷經徐映明之戚施洪爵等處

令徐映明陪禮寢息嗣施必全復以施丙姑被徐映
明調戲係自不穩重之言向詈施丙姑氣忿莫釋投
塘殞命查施丙姑先被徐映明調戲業經施洪爵等
處令陪禮寢息嗣該氏短見輕生實由其父訓詈所
致因係該犯調戲起釁與調姦和息後因人恥笑追
悔自盡者情事相同該省將徐映明照例擬杖一百
流三千里查核情罪允協應請照覆

嘉慶十八年說帖


誤抑誤推婦女
羞忿追悔自盡

吉林將軍 咨貴擬誤拉伊爾根覺羅氏致氏追忿
自縊一案又蘇撫 題朱茂堂誤向杭翁氏戲諱和

息後將氏子杭有祿毆傷致氏追忿自縊一案查朱
茂堂先與曹王氏通姦嗣杭翁氏因修房借曹王氏
厨竈煮飯該犯誤認杭翁氏爲曹王氏上前樓抱杭
翁氏聲喊經鄰人查知勸令服禮和息迨杭翁氏之
子杭有祿與該犯不依叫罵該犯令子朱培遠將杭
有祿毆傷杭翁氏因身被戲謔子被毆傷心懷忿恨
追悔投繯殞命查該犯因與曹王氏有姦將杭翁氏
樓抱雖係誤認第律嚴起意死者旣因被抱追悔自
盡卽應按例定擬該省將該犯比照調姦婦女未成

和息後本婦追悔自盡例擬以滿流情真罪當自可
照覆至吉林旗人貴疑一案該犯因同妻烏蘇氏借
伊妻弟景運家暫住與伊妻分炕睡宿嗣夜間該犯
尋伊妻說話進房至炕推拉不料伊妻與伊爾根覺
羅氏同炕睡宿誤將伊爾根覺羅氏推醒伊爾根覺
羅氏疑其圖姦羞忿莫釋潛服鉛粉冀圖自盡經伊
姑解救勸慰寢息迨其夫景運回家追詢伊爾根覺
羅氏觸起前忿自矣身死該將軍亦比照調姦未成
和息後追悔自盡例擬流該司以該犯尋伊妻說話





黑夜續姦誤摸
同睡之女自盡

誤將伊爾根覺羅氏推醒原無圖姦之心伊爾根覺
羅氏抱忿輕生已在勸息一月之後核與因調姦而
追悔自盡者情節不同若照該將軍所擬比例擬流
未免情輕法重議將貴疑於流罪上酌減擬徒等因
詳核兩案情節一因圖姦誤抱一則覺起無心情節
本有不同罪名自應區別各該司分別照覆改減均
為允當似可照辦
嘉慶二十一年說帖○貴疑係旗
人折柳伊爾根覺羅氏請旌
安撫 題朱小並黃樸夫婦帶女黃二姐均雇與張
學詩家庸工黃二姐與張學詩婢女小了頭同處一

室每遇黃樸外出卽與伊母同宿嗣朱小見小了頭
懷抱幼孩頑耍起意圖姦勾引小了頭笑而不答朱
小知己允從適逢黃樸外出黃二姐與母同宿朱小
至房成姦越數日後朱小因黃樸聲言在場看麥意
揣黃二姐必歸母室同寢撥門潛入小了頭房內向
牀按摸詎黃二姐仍在小了頭房中睡臥以致誤摸
黃二姐驚覺叫喊朱小知係錯摸隨即奔逸小了頭
知是朱小失口道破黃二姐忿詈喊起伊父並雇王
張學詩備告其故詎黃二姐羞忿莫釋投水殞命將



誤入婦女房內
致婦嫌疑自盡

朱小比例擬流等因查朱小因欲與和姦之小了頭
同宿誤摸黃二姐身上以致黃二姐捐軀自盡雖黃
二姐之死由該犯手摸其身與一聞穢語即便輕生
者不同但該犯臨時實無圖姦黃二姐之心酌其情
罪與調戲本婦致死者實屬有間應如所題朱小應
比照本無圖姦之心不過出語褻狎本婦一聞穢語
即便輕生例杖一百流三千里黃二姐准其

旌表

乾隆二十一年題准案○照所見集錄

湖廣司 核題金瑤誤入程氏房內驢臥致氏羞忿

自縊一案查例載村野愚民出語褻狎本婦一聞穢

語即便輕生照強姦未成本婦羞忿自盡例減一等

杖一百流三千里等語是必實有穢語褻狎足令本

婦聞而生忿方可照例定擬此案金瑤與程氏之翁

周富時相往來常在周富房內坐歇嗣金瑤因酒醉

發渴至周富家乞水適周富等均經外出該犯不知

周富與程氏房已調換誤入程氏房中在牀驢臥迨

周富回家見金瑤睡臥昏迷即奔告伊兄將金瑤背

回程氏回家查知恐外人疑有不端羞忿投縊殞命

核其情節金瑤酒醉誤入只知係周富之房並不知
 為程氏之室且其時程氏並未在家該犯酒醉無知
 止在牀上躑臥並未實有穢語褻狎程氏輒因此輕
 生實非該犯意料所及該撫將該犯比例擬流與例
 不符惟該犯冒昧躑臥究有不合應將金瑤改照不
 應重律杖八十程氏因知金瑤睡其牀上事涉嫌疑
 當即抱忿哭罵捐軀明志洵屬節烈應請

旌表
嘉慶九年說帖

兵丁調戲額外
 外委之妻自盡

直督題蔡士有充當兵丁因額外外委馮瑞令其

回家取米見馮瑞之妻張氏獨處輒向調姦未成馮

瑞回歸聞知將蔡士有重責二十棍復稟知千總又

將蔡士有重責十棍嗣馮瑞因無顏見人將外委告

退歸向馮張氏斥詈出外躲避無蹤馮張氏旋即自

縊身死是蔡士有經官責處馮張氏氣已消釋嗣因

自馮瑞斥詈復行追悔自盡與但經調戲本婦羞忿自

盡者不同查馮瑞與蔡士有相交有素同營當差並

無尊卑名分應同凡論蔡士有應比照調姦婦女未

成和息後因人恥笑追悔自盡例杖一百流三千里



覲面穢褻是否
因事角口為斷

道
光五年案
山東司 乾隆五十年十二月初四日欽奉

上諭明興題堂邑縣民張季之妻梁氏因劉煨出語褻狎
自縊身死一案此案審係張季同妻梁氏赴地披取高
梁梁氏見劉煨捆縛不堅令其另換劉煨復拔秫稽一
顛向梁氏聲言這根粗壯你可喜歡梁氏疑為有心調
戲含忍不解旋即投縲殞命該撫以劉煨本無圖姦之
心不過出語褻狎問擬杖流向來調姦案件凡但經調
戲致本婦自盡者俱問擬絞候入於情實然其但以語
言調戲未經手足勾引者從不予勾也今劉煨因梁氏
令其捆縛高粱穢言嘲諷非調戲而何乃該撫據犯供
稱並非有心圖姦即照出言褻狎之例定擬流罪夫語
言調戲與出言褻狎總不過此等穢褻之談有何區別
乃一則問擬絞候一則問擬杖流情同罪異則語言調
戲問擬絞候者豈不反覺屈抑耶其應如何酌核定例
之處著該部另行妥議具奏欽此_臣等伏查例載凡但
經調戲致本婦羞忿自盡者絞監候又村野愚民本
無圖姦之心不過出語褻狎本婦一聞穢語即便輕





生者杖一百流三千里各等語推原例意誠以蓄念
求姦用言調戲事出有意偶然覲面出語褻狎事本
無心是以分別定擬但無心與有意隱而難窺調戲
與褻狎語無二致往往不肖之徒因例有本無圖姦
得以減等之條到案狡賴希圖巧避而承審官卽據
該犯本無圖姦之供減擬杖流以致情同罪異誠如
聖諭則語言調戲問擬絞候者反覺屈抑殊非情法之平
惟是律例一成不易案情變幻百出其中亦有因與
本婦之夫及親屬互相調謔並未與本婦覲面而本
婦聽聞穢語氣忿輕生者亦有因他事與婦女角目
出語穢詈婦女不甘抱恨自戕者情事各別夫傳聞
之語非同覲面相嘲詬詈之時更屬何言不出此等
謂無圖姦之心尙屬可信若一例問擬絞抵又以無
所區別茲欽遵

諭旨令_臣等酌核定例妥議具奏謹公同詳核例意悉心
酌議請嗣後凡婦女因人褻語戲謔羞忿自盡之案
如係並無他故輒以戲言覲面相狎者不論有無圖
姦之心卽照但經調戲本婦羞忿自盡例擬絞監候

其因他事與婦女角口彼此詈罵婦女一聞穢語氣
 忿輕生者以及並未與婦女覲面相諍止與其夫及
 親屬互相戲謔婦女聽聞穢語羞忿自盡者此等均
 無圖姦之心仍依本例問擬滿流等因具奏奉

旨依議欽此 通行已纂例

並無他故覲面
 褻狎追悔自盡

直督 題趙拐子因向趙劉氏穢語褻狎致令羞忿
 服毒身死一案緣趙拐子向在皮作坊傭工與趙劉
 氏之夫趙敬同姓不宗一村認識時相往來趙劉氏
 係趙敬繼娶再醮之婦趙敬前妻生有二子均已物



故有一孫女趙氏先因年幼未經許字與趙拐子習
 見不避迨年長即避忌不見道光元年二月十五日
 將晚時分趙拐子飲入醉鄉手攜大錢四百文自作
 坊回歸由趙敬家門首經過時趙敬並未在家其妻
 趙劉氏同媳董氏在彼站立趙拐子勸葉迷心即以
 將錢送給欲與該氏孫女睡宿之言向趙劉氏戲說
 劉氏聽聞不依即向村罵趙拐子自知失言向氏搯
 頭服禮走回是晚趙敬自外回歸劉氏告述情由並
 稱趙拐子向伊覲面穢語褻狎明係有意欺辱伊等



實在難以爲人欲行自盡經趙敬同媳董氏勸慰防
範是月十八日趙敬有事外出董氏亦赴厨房炊爨
詎趙劉氏羞忿莫釋輒萌短見將藥蟲餘信乘間服
食移時毒發殞命訊無有心圖姦及手足勾引情事
將趙拐子依例擬絞監候等因具題當經臣部查向
來辦理羞忿自盡之案總以與本婦覲面相狎及實
有圖姦之心者方擬絞抵其並非本婦覲面自不得
概引此例詳核此案情節趙劉氏係再醮之婦孫女
段趙氏係伊夫前妻之子所生查閱供詞段趙氏業

已出嫁當日並未回歸趙拐子縱翹孽迷心何至以
隔絕多年久未見面之人忽然攜帶錢文前往輒以
將錢送給欲與同宿之言向其祖母戲謔已非情理
且其時尚有劉氏之媳董氏同站門首董氏係喪居
幼婦既在場同聞穢語羞忿之心自必較甚何以並
未聞有難堪情狀而劉氏獨忿不欲生迨趙拐子向
劉氏搯頭服禮當卽寢息似乎忿恨之心亦可消釋
至是晚趙敬回家劉氏告知如果有被辱難堪欲行
自盡之言趙敬卽應找向趙拐子不依以洩伊妻之

念何以事隔三日聲息無聞劉氏仍因此服毒殞命
如果趙拐子止因麴孽迷心醉後妄言並未與本婦
覲面亦本無圖姦之心且業經服禮寢息事隔三日
情近追悔自盡則自有擬流之條但案情種種支離
是否另有起釁別情應令研究確實再行核辦等因
題駁去後嗣據該督咨稱查例載但經調戲其夫與
父母親屬及本婦羞忿自盡者絞監候又村野愚民
本無圖姦之心不過出語褻狎本婦一聞穢語即便
輕生杖一百流三千里又婦女因人穢語戲謔羞忿




自盡之案如係別無他故輒以戲言覲面相狎者即
照但經調戲本婦羞忿自盡例擬絞監候各等語誠
以蓄意求姦用言調戲事本有心故一經羞忿自盡
不論本夫及父母親屬定例特嚴絞抵所以懲淫惡
而勵廉恥也至村野愚民或因事交談失於檢點致
涉穢褻或自在他處不防有人出言無忌適被婦女
聽聞因此抱忿輕生不特無圖姦之事抑且無戲謔
之言其跡易明其情可原故得減絞為流若別無他
故輒以戲言向婦女覲面相狎因而羞忿自盡在言



者有意褻狎初非偶失檢點聞者親遭穢辱亦非得
自聽聞是以乾隆五十一年定例之初本不論有無
圖姦之心但以穢言覲面相狎卽應按例擬絞若必
分別有心無心爲斷則有意圖姦卽屬但經調戲無
意圖姦卽屬村野愚民擬絞減流已有專條可引此
例之設不幾等於虛文其非但經調戲而亦應擬絞
不得與村野愚民同擬流罪者惡其並無他故覲面
戲謔故也蓋無故而向婦女戲謔跡近調戲縱使無
意求姦已屬有心故犯事在防微例嚴杜漸故凡婦

女因人褻語自盡之案總以是否戲謔分絞流不以
有無圖姦衡輕重而戲謔之語或指物之戲人或借
彼以謔此狂徒佻達不一其詞要以覲面之人卽爲
被狎之婦不必因其出語之借端而發輒泥本婦之
別有所歸此案趙拐子因飲醉回歸見趙劉氏站立
門首並無他故輒以將錢送給欲與該氏孫女段趙
氏睡宿空言向趙劉氏覲面戲狎是被狎之本婦在
趙劉氏不在段趙氏死者旣係被狎之婦穢褻又在
覲面正與褻語戲謔羞忿自盡擬絞之例相符似不



能因其語係託指又無圖姦之心竟置覲面相狎於
不論雖趙劉氏係再醮之婦年近六十不等於青年
少婦第人無賢愚男婦之嫌宜別女無老少羞忿之
心則同例內統以婦女二字概之則一經被辱自盡
卽應取問如例未便於此中再有區別茲奉部駁以
如果趙拐子並未與本婦覲面亦本無圖姦之心且
業經服禮三日情近追悔自盡自有擬流之例等因
是合趙劉氏而指段趙氏爲本婦故以並未覲面又
非有心圖姦詳示原擬之非現經審明該犯趙拐子

雖非有意圖姦實與趙劉氏覲面戲謔趙劉氏係被
狎之本婦始終羞忿自盡並非追悔輕生如以爲趙
拐子並無圖姦之心竟照村野愚民出語褻狎例擬
流而該犯係釁起戲謔事在覲面另有擬絞之條如
以爲覲面戲謔必須實有圖姦之心者方擬絞抵則
是調戲而非戲謔何必於但經調戲正例之外另設
戲言相狎比照之文究竟村野愚民出語褻狎與並
無他故輒以戲言覲面相狎兩例一則擬流一則擬
絞應作何分晰部駁內所稱並未與本婦覲面亦本

無圖姦之心自有擬流之語是否必須兩事俱無方可減絞爲流抑有一於此卽當依例擬絞罪關生死出入未便草率臆斷擬合咨部示遵以便援引並請俟奉到部示之日再行定擬等因復經_臣部查辦理婦女羞忿自盡之案其有意圖姦則有但經調戲擬絞之條其無意圖姦則有村野愚民擬流之條其以戲言覲面相狎卽照但經調戲例擬絞者總以並無他故爲斷不得稍涉疑似遽定爰書蓋緣奸徒中藏叵測其無故突加挑達之詞未必非有意先爲探試



之計及至敗露則又欲藉詞無心以巧於自覆迹雖涉於褻狎心實出於調戲律嚴誅意是以比例擬絞然必供證明確實係別無他故情近圖姦方可定讞非謂罪狀未明而又實出無心者亦概從重典也如以爲有心無心例無明文殊不思村野愚民之條卽以本無圖姦之心定擬滿流蓋其心旣明其罪可從末減至於調姦未成追悔自盡擬流之例則以事隔時日本婦之死或不盡由調姦所致故亦得減絞爲流參觀互見例義甚明此案趙拐子因醉後謔語致

趙劉氏羞忿自盡前經臣部以原審情節支離駁令覆審茲據該督覆訊各供詳請核示等因咨部臣部詳閱此次供招如趙拐子所稱當日趙劉氏孫女段趙氏並未回家伊所素知不特無可圖姦且斷無欲姦人孫女公然向其祖母明告之理伊所稱欲與段趙氏睡宿不過借此空言向趙劉氏戲誑等語試思趙拐子既無圖姦段趙氏之心而趙劉氏係年近六十之婦女又有伊媳董氏在旁趙拐子亦斷無覲面圖姦之理何故以無謂空言觸人忿怒安知非別有



所因卽趙敬所稱次日在找未見等語當趙拐子服禮走散似乎事已寢息趙劉氏忿恨之心可以消釋卽令被辱不甘而其夫趙敬是晚回家聽聞其事明知欺侮伊妻之人近在同里豈肯從容坐待必至來日始行往找不依查趙拐子於十五日傍晚時謔語起釁趙劉氏於十八日服毒殞命事隔三日之久趙劉氏旣忿不欲生趙敬亦必再四找尋或竟投保鳴官務得罪人以求洩忿豈僅在找一次未見卽肯甘心且當趙敬往找之時趙拐子雖預先逃遁其家與

鄰佑人等豈更無一人與趙敬見面而趙敬亦並無登門叫罵投保鳴官確據卽地鄰亦俱無切實供詞此案雖經覆審仍是一面空談揆之情理均難憑信設使趙拐子未經謔語相狎之先另有起釁別情固與並無他故之例義不符且使該犯本無圖姦之心只係醉後無知妄言或該氏死於三日之後不盡由該犯謔語所致均不應遽擬縲首臣部核辦各省案件總以情真事實爲定罪之權衡其涉於疑似者必駁令覆審明確以成信讞不能平空臆斷謂應作何



援引先爲指示應令該督仍將此案遴委賢員悉心研鞠務得確情妥擬具題到日再議等因咨行去後茲據該督疏稱提集犯證遵照部駁情節逐加研鞫如部駁趙拐子既無圖姦趙劉氏之心而趙劉氏係年近六十之婦女又有伊媳董氏在旁趙拐子亦斷無覲面圖姦之理何故以無謂空言觸人忿怒安知非別有所因一節訊據趙拐子供稱伊與同姓不宗之趙敬繼妻趙劉氏同村認識其孫女段趙氏年幼時與伊習見不避迨後長成出嫁卽避忌不見道光



元年二月十五日將晚時分伊自作坊飲醉攜錢回
 歸路經趙敬門首見趙劉氏同媳董氏在彼站立即
 順口以送給錢文欲與其孫女段趙氏睡宿之言向
 趙劉氏戲謔原係醉後糊塗一時無心說出並非有
 意圖姦是以不知避忌亦慮不及有董氏在旁並稱
 是日段趙氏並未回家無可圖姦如非酒醉不惟不
 敢褻狎亦斷不肯向年近六十之婦人以此無謂空
 言觸人忿怒委因伊翹蕩迷心以致語涉穢褻實非
 別有所因惟求詳情等語查訊現到之屍孫趙三亦

稱趙拐子未向伊繼祖母劉氏戲謔之先亦無另有
 起釁別情查酒醉之徒昏迷罔覺往往不知避忌出
 言無狀事所常有是趙拐子所稱因醉後糊塗一時
 無心向趙劉氏戲謔不期觸人忿怒並非有意圖姦
 亦非別有所因之處所供似屬可信又如部駁當趙
 拐子服禮走散似乎事已寢息趙劉氏忿恨之心可
 以消釋即令被辱不甘而其夫趙敬是晚回家聽聞
 其事明知欺侮伊妻之人近在同里豈肯從容坐待
 必至來日始行往找不依查趙拐子於十五日傍晚

時諱語起釁趙劉氏於十八日服毒殞命事隔三日之久趙劉氏既忿不欲生趙敬亦必再四找尋或竟投保鳴官務得罪人以求洩忿豈僅往找一次未見卽肯甘心且當趙敬往找之時趙拐子雖預先逃避其家與鄰佑人等豈更無一人與趙敬見面而趙敬亦並無登門叫罵投保鳴官確據卽地鄰亦俱無切實供詞一節訊之屍孫趙三供稱是年二月十五日晚伊祖趙敬自外回家伊繼祖母趙劉氏告知被趙拐子當面穢褻不依村罵趙拐子服禮走回因其公



然嚴狎明是有意欺辱難以爲人欲行自盡伊祖因趙拐子等辱及妻女當欲往找不依因值天晚遂與伊伯母董氏同向勸慰防範卽於次早往找趙拐子躲避未遇經趙拐子之母趙張氏將伊祖母勸慰回家並非無人見面後欲再找因與趙拐子近在同里知其未回卽登門叫罵亦屬無益並因伊祖母趙劉氏見伊祖找尋趙拐子不見追悔當時不應因趙拐子服禮放其走回益加氣忿伊祖恐伊祖母自盡卽在家朝夕防守不離並稱趙拐子遲早總要回歸可

以理論故未鳴保報官並非甘心忍受從容坐待迨是月十八日伊祖見伊祖母臥炕不語意爲氣已消釋適有事出門伊亦外出詎伊祖母因此抱忿乘伊伯母董氏赴厨房炊爨卽自服毒身死從前伊祖因伊祖母自盡總由被辱氣忿所致是以未將追悔緣由備細供明等語核與該縣所訊趙敬暨趙拐子之母趙張氏供亦相同並訊據趙拐子又稱伊因醉後向趙劉氏隨口戲謔當因趙劉氏不依村罵伊卽自知失言向趙劉氏搥頭服禮回歸並行躲避不意趙

劉氏因告知趙敬尋伊理論未遇追悔當時不應因伊服禮放伊走回以致抱忿捐軀前因趙敬等未將趙劉氏追悔情由據實供明是以伊亦並未供及等語質之地鄰人等亦供無異詞是趙劉氏於趙拐子服禮走散後因告知伊夫趙敬往找不遇追悔當時不應放趙拐子走回因而抱忿已據趙敬並屍孫趙三切實供明揆厥情詞甚爲確鑿亦無疑義又如部駁設使趙拐子於未經謔語之先另有起釁別情固與並無他故之例義不符且使該犯本無圖姦之心



只係醉後無知妄言或該氏死於三日之後不盡由該犯謔語所致均不應遽擬縲首一節查此案前因趙拐子覲面向趙劉氏戲言相狎致氏羞忿自盡供無他故是以將該犯依例擬絞現經訊明趙拐子未經謔語之先並無另有起釁別情及其隨口戲謔經趙劉氏不依村罵該犯又經向氏服禮仍因趙劉氏事後告知伊夫趙敬往找該犯理論未遇追悔當時不應將該犯放走因而抱忿服毒身死是該犯之戲言褻狎雖在覲面而該氏係死於追悔三日之後究



與婦女因人褻語戲謔實在並無他故者情事有間誠如部駁未便遽擬縲首自應更正將趙拐子比例擬流等因具題查例載調姦婦女未成業經和息之後其夫與父母親屬及本婦復追悔抱忿自盡致死一命者杖一百流三千里等語此案前據該督以趙拐子醉後向趙劉氏聲稱欲與該氏孫女睡宿致趙劉氏羞忿自盡雖趙劉氏並非本婦惟褻狎既在覲面卽與本婦無異將趙拐子依但經調戲本婦羞忿自盡例擬絞監候經臣部以趙拐子並未與本婦覲

面亦實無圖姦之心且已服禮寢息事隔三日趙劉氏情近追悔自盡未便遽將該犯擬絞駁令覆審妥擬茲據該督覆審明確趙拐子戲言褻狎雖在覲面而趙劉氏究係追悔自盡遵駁更正比例問擬應如該督所題趙拐子應比依調姦婦女未成業經和息之後其夫與父母親屬及本婦復追悔自盡致死一命例杖一百流三千里事犯在道光元年四月初七日欽奉

恩詔以前核其情罪不在不准援減之列應減為杖一百



徒三年所供孀婦獨子是否屬實應令確查取結報部核辦趙敬前因伊妻劉氏自盡總由被辱氣忿所致未將追悔情由供吐現經訊明應免置議趙劉氏羞忿捐軀係再醮之婦毋庸聲請

旌表等因奉

旨依議欽此 道光四年案

陝撫 題劉耀與祁紀氏角口穢言致氏自縊身死

一案查例載但經調戲本婦羞忿自盡者絞監候又


村野愚民本無圖姦之心又無手足勾引挾制窘辱

覲面穢罵背地唱歌致婦自盡

穢語辱罵致人羞忿自盡聞拿投首無因可免案載犯罪首條

情狀不過出語褻狎本婦一聞穢語即便輕生照強姦未成本婦羞忿自盡例減一等杖一百流三千里又凡婦女因人褻語戲謔羞忿自盡之案如係並無他故輒以戲言覲面相狎者即照但經調戲本婦羞忿自盡例擬絞監候其因他事與婦女角口彼此詈罵婦女一聞穢語氣忿輕生以及並未與婦女覲面相謔止與其夫及親屬互相戲謔婦女聽聞穢語羞忿自盡者仍照例杖一百流三千里各等語是語言調戲致本婦羞忿自盡者即擬絞候而本無圖姦之

心僅止出語褻狎者方擬杖流原以有心無心為區分而罪名之生死因之嗣又因有心與無心隱而難窺而調戲與褻狎語無二致誠恐狡詐之徒隱匿調戲之真情詭託無心之褻狎故又以覲面不覲面為區分而以他事角口穢語詈罵別之蓋以覲面相狎即難言非語言調戲而覺起角口其非圖姦已有徵據也此案劉耀因向祁紀氏之翁歛錢要燈紀氏答稱伊翁回家再給劉耀因急需錢用不能等候致相爭詈劉耀隨口罵稱與伊同睡即不要錢紀氏不依




欲與拚命往向伊母紀李氏哭訴前情經紀李氏勸息留住嗣紀李氏將紀氏送回紀氏氣猶未息適劉耀至紀氏大門牆外公井汲水不知紀氏已回隨口學唱秧歌紀氏隔牆聽聞疑其有意譏誚觸起前忿投繯殞命該撫將劉耀照出語褻狎本婦一聞穢語輕生例擬流具題查劉耀辱罵紀氏之時已在爭鬪之後其為釁起角口已無疑義至其在紀氏牆外學唱秧歌據該撫訊明該犯不知紀氏已經回家且有同汲之王尚俊等為證其非覲面有意相狎亦屬可信是該犯係因他事起釁與紀氏角口辱罵致令一聞穢語氣忿輕生自應照他事口角穢語詈罵例問擬杖流今該撫舍他事口角詈罵正條轉引出語褻狎之例罪名雖無出入引斷究未允協劉耀應改依因他事與婦女角口彼此詈罵婦女一聞穢語氣忿輕生例杖一百流三千里

道光元年說帖

背地閒談族婦之非致婦自盡

湖廣司查例載捏造姦贓款蹟挾嫌污讒以致被誣之人忿激自盡者擬絞監候又出語褻狎本婦一聞穢語即便輕生杖一百流三千里各等語誠以姦



情汚人事關名節若有心捏造致婦被汚自盡則罪
 應縲首卽出語褻狎並非有心指實亦罪應滿流此
 案曹祖盛因總麻服姪曹道廓之妾王氏年輕見人
 不避時常往山尋豬食草該犯向曹年送等聲稱恐
 其將來不端敗壞門風以致王氏氣忿自縊殞命雖
 該犯尚非捏造姦賊挾嫌汚蟻固難擬以絞候而王
 氏之死實因該犯出語褻狎釀成其被推被戮皆因
 心懷不甘前往拚命所致該省將該犯照例擬流自
 應昭覆

嘉慶四年說帖



背地指名戲謔
致婦聽聞自盡

背地疑談其妻
不端致婦自盡

東撫 題楊拾來因與孫張氏家雇工夏耀稽之弟
 夏石包戲謔言及孫張氏貌美夏耀稽好與睡宿夏
 石包回告伊兄被孫張氏聽聞趕向吳開後氣忿自
 縊身死應比照並未與婦女覲面相戲止與其夫及
 親屬互相戲謔婦女聽聞羞忿自盡例滿流孫張氏
 旌表夏石包毋庸議 嘉慶二十年案

河撫 題茹應韶因見陳海子由茹封印家走出向
 問不答輒疑與茹封印之妻雷氏不端囑茹封印留
 心察看致雷氏聽聞忿激自縊身死將茹應韶比照

村野愚民本無圖姦之心不過出語褻狎婦女一聞穢語輕生例滿流雷氏

旌表 道光三年案

蘇撫 咨錢三因疑蔣易如與張潘氏有姦向蔣易

如取笑盤問以致張潘氏聞知自刎身死將錢三比

照並未與婦女覲面相諍止與其夫及親屬互相戲

謔婦女聽聞羞忿自盡例滿流 嘉慶二十四年案

直督 咨武玉與武滿倉戲謔辱及張成之母致張

成羞忿自盡罪坐所由惟張成究係本婦之子與本

背地穢辱婦人致氏子自盡

婦聽聞穢語羞忿自盡者有間將武玉比照並未與

婦女覲面相諍止與其親屬互相戲謔婦女聽聞羞

忿自盡滿流例量減一等擬以滿徒 嘉慶二十五年

陝西司 題柳學義勒死伊妻李氏圖賴王孟科一

案 職等詳核案情柳學義有牛一隻託族叔柳遇一

代收適王孟科向柳遇一索欠不給欲拉牛作抵柳

學義聲言牛係伊物上前攔阻王孟科嗔其出頭混

攔卽以柳學義不像有牛之人除非伊妻養漢掙來

之言隨口出言致相詬罵經柳遇一勸散柳學義憶

口角牽罵其妻致夫疑姦殺妻



及牛隻本係伊妻用錢置買心疑王孟科罵出有因
回家向妻李氏查詢姦情李氏不依吵鬧經伊父柳
遇滿訓斥柳學義當時隱忍後欲李氏與王孟科質
對用言哄誘李氏前往行至中途告知實情李氏以
柳學義混聽人言污其名節坐地潑開柳學義益疑
姦情是實一時氣忿用繩將李氏勒死細思總由王
孟科辱罵所致將屍移至王孟科窰前裝吊圖賴查
李氏既據該省審明實非犯姦之婦該犯混疑姦情
立斃其命自應仍照故殺妻律定擬該省將該犯問

擬絞候與律相符至王孟科與柳學義口角隨口混
罵雖非有心污讟第李氏被夫致死實由該犯穢詈
所致該省將該犯比照因他事與婦女角口彼此詈
罵婦女一聞穢語氣忿輕生例量減一等擬以滿徒
亦係衡情辦理似可照覆

嘉慶十五年說帖

陝西司 題李世通毆勒伊妻劉氏身死一案查朱

孔陽因鄰居李世通之妻劉氏時常毆子哭喊嗣李

世通自毆次子黑狗兒喊哭該犯隔牆聽聞誤謂劉

氏毆子心生厭惡隨口詈罵賣姦之婦李世通聞知



背地穢罵鄰婦
致夫疑姦殺妻

過而向論該犯當即趨避維時劉氏在後院臥房並未聽聞詈罵未出理論李世通心疑事必有因向劉氏查詢爭毆將劉氏致死是劉氏係夫婦爭毆被殺並非甘心自盡且朱孔陽隔牆混罵之語劉氏在後院臥房並未聽聞與本婦一聞穢語即便輕生者不同自未便坐該犯以滿流之罪惟劉氏被夫致死實由該犯詈罵所致例無恰合正條應照名例比附減等科斷朱孔陽應比照出語褻狎本婦一聞穢語即便輕生自盡杖流例減一等杖一百徒三年

嘉慶十一年說帖

口角牽罵轉述
其妻氣忿自盡

直督 題尹五因與李徐氏之夫李二口角穢詈致氏氣忿自盡一案檢查陝西省朱孔陽隔牆穢罵致本夫李世通勒死伊妻劉氏一案該省將李世通依故殺妻律擬以絞候朱孔陽比例量減擬徒經本部題覆在案此案尹五與徐氏之夫李二口角尹五以李二之妻曾在母家養漢之言相詆彼此爭鬪而散嗣李二與妻徐氏相爭憶及尹五前言即以在母家養漢之言斥罵徐氏追問馮據李二將前與尹五爭




開被其回言之言轉述徐氏氣忿莫釋投綴殞命查
尹五與李二口角牽罵其妻徐氏養漢徐氏既未在
場該犯即非有心穢辱迨事隔三日李二與妻爭鬧
憶及前言斥罵徐氏養漢並非該犯意料所及惟徐
氏氣忿輕生究由其夫轉述穢言所致核與朱孔陽
一案雖死者有自盡被殺之不同而該犯之背後辱
罵以致釀命則情同一致該省將尹五比照因事與
婦女角口彼此詈罵婦女一聞穢語氣忿輕生滿流
例上量減一等擬以杖一百徒三年係屬衡情辦理

似可照覆 昇慶十九年說帖

取譬其妻膏姦
致婦氣忿自盡

山西司 查此案李寒食因馬如龍與伊妹賀李氏
通姦許給伊妹銀兩嗣伊妹欲回夫家向索銀兩馬
如龍許俟措銀寄去李寒食以將銀寄去若被本夫
查知如何為人並以譬如爾妻與人通姦姦夫寄銀
到家爾豈不查來歷之言向斥致馬如龍之妻馬李
氏聽聞氣忿服毒身死該撫以李寒食僅止用言取
譬並非以馬李氏與人通姦向馬如龍戲謔亦非與
馬李氏口角詈罵例無專條將李寒食比照並未與



婦女覲面相謔止與其夫及親屬互相戲謔婦女聽聞穢語羞忿自盡滿流例量減一等杖一百徒三年等因查李寒食雖以穢言向馬李氏之夫馬如龍取譬惟馬李氏一經聽聞即因此氣忿自盡核與向其夫戲謔婦女聽聞穢語自盡者情無二致未便曲爲寬減李寒食應比照並未與婦女覲面相謔止與其夫及親屬互相戲謔婦女聽聞穢語羞忿自盡例杖一百流三千里追埋葬銀十兩給屍親具領事犯到官在道光八年十一月初九日

恩詔以前褻語釀命所得流罪不准撥減

道光九年說帖

愚民語近褻狎
總麻姪婦自盡

廣撫題鄧觀音保唱戲營生因向總麻服姪鄧七俚索取所借骨牌值鄧七俚與母劉氏往田工作止遺鄧七俚之妻曾氏在家該犯即向曾氏取回骨牌并順口向說你若看戲我請喫茶曾氏以土俗婦人受聘爲喫茶即正言斥責該犯覆稱在外唱戲常請婦人喫茶曾氏叫喊該犯趨出適劉氏自田回家將該犯扯住該犯情急咬傷劉氏手指釋放逃跑鄧七俚歸家曾氏告知前事氣忿哭泣鄧七俚等解勸詎

曾氏乘間投水身死將鄧觀音保擬軍具題查例載
村野愚民本無圖姦之心又無手足勾引挾制窘辱
情狀不過出語褻狎本婦一聞穢語即便輕生照強
姦未成本婦羞忿自盡例減一等杖一百流三千里
等語原無親屬有犯另行治罪之文今鄧觀音保向
總麻姪媳會氏出言褻狎以致會氏羞忿自盡情固
輕於調戲而分重於凡人未便僅同凡論應如所題
鄧觀音保合依出語褻狎本婦一聞穢語即便輕生
杖流例加等發附近充軍

乾隆十六年題准案。照所見集錄

與夫爭嘗牽辱鄰婦致婦自盡

褻狎出於無心婦女追悔自盡

江西撫 題彭氏因伊夫曾德仁央鄰婦龔氏摘梨
完畢送給龔氏梨兩個嗣彭氏取梨自食曾德仁不

許彭氏不依即以自已妻子喫不得他人反喫得莫

非與龔氏有姦等語爭嚷龔氏聽聞氣忿自縊殞命

將彭氏比依因他事與婦女角口彼此詈罵婦女一


聞穢語氣忿輕生例滿流收贖

嘉慶二十二年案

直督 題袁大得因無服族嬭袁司氏向伊索食麵

倦輒以伊妻愛食之言信口答覆袁司氏疑為調戲

當向村罵哭泣並告知伊夫袁功同赴該犯家不依





經該犯服禮寢息嗣袁司氏因被伊夫提及前言復
 向恥笑致該氏追悔抱忿投縵殞命是袁大得之藪
 狎固出無心卽袁司氏之自盡亦因事後被夫恥笑
 追悔所致並非卽時輕生袁大得應照村野愚民本
 無圖姦之心不過出語褻狎本婦一聞穢語卽便輕
 生擬流例量減一等杖一百徒三年袁司氏

旌表
 道光四年案

河撫 咨熊振唐因見董頃姐在井汲水該犯口渴
 就灌吸飲董頃姐以水被飲汚向罵該犯以水可另

拉手欲與理論
 致婦羞忿自盡

汲不應罵人用手拉其胎膊欲與其母理論董頃姐
 因熊振唐不分男女拉伊胎膊掙脫走回氣忿投水
 殞命該犯不避嫌疑混拉婦女胎膊與穢語詈罵無
 異將熊振唐比照因他事與婦女角口詈罵婦女一
 聞穢語氣忿輕生例擬以滿流
 道光二年案

男女互鬪撕破
 女褲致婦自盡

直督 咨丁五被王耿氏撕破布裙亦將王耿氏之
 褲撕破並提起兩腳腕踢傷王耿氏左臀等處致氏
 氣忿自縊將丁五比照與婦女角口彼此詈罵婦女
 一聞穢語氣忿輕生例擬以滿流
 嘉慶十八年案

刑案圖覽
婦女因被婦女
穢罵氣忿自盡

撕褲羞辱竊天
之幼女自盡

蘇撫 題宋薛氏與李單氏口角輒以穢語辱罵致
李單氏氣忿自盡將宋薛氏比照因事與婦女角口
彼此詈罵婦女一聞穢語氣忿輕生例擬流收贖

嘉慶二十四年案

河撫 咨朱元信因王景姐偷伊地內豆未將其衣
褲撕破致王景姐氣忿投繯殞命王景姐固有竊盜
之非究係年輕處女該犯輒撕褲羞辱實屬非理逞
強將朱元信比照因事與婦女角口詈罵婦女一聞
穢語氣忿輕生例擬以滿流 嘉慶二十三年案

被扭不期褪褲
致婦羞忿自盡

直督 題于王氏因與喬朋爭詈被辱氣忿自縊身
死一案此案喬朋因于王氏向伊索還借富衣服該
犯央緩王氏不依拉住逼令歸還喬朋掙脫跑走王
氏同伊女春姐追趕喬朋將其推跌未經成傷王氏
爬起向該犯撕扭因喬朋褲未繫帶將褲褪下王氏
欲至伊家拚命喬朋畏懼未及將褲掖好攔門驢臥
王氏哭罵回家氣忿莫釋投繯殞命查喬朋因褲未
繫帶被王氏撕扭以致將褲褪下與有心污辱者不
同至其攔門驢臥一節查喬朋供詞稱係提著褲子



不及掖好即春姐供詞亦稱提著褲子攔門驕著是
 喬朋褲已提起並非裸體向辱既有其女春姐在場
 目擊自無隱飾別情惟干王氏之自盡究由被該犯
 褻侮所致較之穢語詈罵輕生者情事相同該省將
 該犯比照因他事與婦女角口彼此詈罵婦女一聞
 穢語氣忿輕生例擬以杖一百流三千里似尚允協
 應請照覆 嘉慶十九年說帖

直督 咨劉琢因崔張氏屢次登門辱罵復將伊女
 污衊輒敢不顧男女之嫌起意將崔張氏推倒撕破
 撕破褲子採落
 陰毛致婦自盡



中衣並採落其陰毛抓傷小腹致氏被辱難堪氣忿
 自縊惟訊係崔張氏污衊其女忿激所致尚非無故
 逞兇劉琢應比照因事用強毆打威逼人致死果有
 致命重傷例發近邊充軍 道光四年案


川督 題倪王氏因與岳王氏口角穢辱致岳王氏
 自盡一案此案倪王氏後院土牆因雨倒塌外係岳
 王氏菜園嗣倪王氏之夫倪宗赴園摘菜岳王氏聽
 聞響動疑係倪王氏走至牆缺查問倪宗問其曾否
 做飯倪王氏聽聞伊夫與人說話出而查看村斥岳

婦女懷妒穢辱
 鄰婦致令自盡

王氏沒臉復囑令其姑及早將牆修好以免做出不
端之事致岳王氏氣忿自盡查岳王氏與該氏之夫
邂逅叙談本係鄰里問答常情倪王氏見岳王氏與
伊夫在牆缺說話因妒生疑向其村斥亦係村婦常
有之事並非平空污蔑惟岳王氏之死究由該氏妄
疑斥辱所致該省將倪王氏照因他事與婦女角口
彼此詈罵婦女一聞穢語氣忿輕生例擬杖一百流
三千里比擬尚屬平允應請照覆

嘉慶二十一年說帖

卷五十一終



五
所
圖
書

